



# Communicaziun a las medias

Data: 28 da matg 2020

---

## Bernard Maissen daventa il nov directur da l'Uffizi federal da communicaziun

**A chaschun da la sesida dals 27 da matg 2020 ha il Cussegl federal elegì Bernhard Maissen sco nov directur da l'Uffizi federal da communicaziun (UFCOM). Il Grischun da 59 onns lavura per il UFCOM dapi l'onn 2018. Sco vicedirectur maina el actualmain la divisiun Medias. Sias incumbensas futuras cumpiglian la realisaziun ed il svilup ulteriur da la politica da medias e da telecomunicaziun svizra. Bernard Maissen entra en uffizi il 1. da fanadur 2020.**

Bernard Maissen (59) ha studegià germanistica, istorgia e schurnalissem a l'Universitad da Friburg ed è stà activ silsuenter en differentas funcziuns sco schurnalist e sco schefredactor. Avant ch'el ha midà tar il UFCOM l'onn 2018, è el stà schefredactor e commember da la direcziun da l'Agentura telegrafica svizra (ATS). Bernard Maissen ha absolvi diversas furmazions supplementaras en il sector dal management, è stà commember da la cumissiun da program da la Scola svizra da schurnalissem (MAZ) a Lucerna ed ha fatg part da l'onn 2013 fin a l'entrada en uffizi tar il UFCOM da la Cumissiun federala da las medias (CUFEM).

Cun Bernard Maissen ha il Cussegl federal elegi ina personalitad cumpetenta che ha er experientscha da manar. Grazia a sias enonuschientschas fundadas da la bransch da medias e grazia a sia vasta rait en la politica ed en l'economia è el preparà fitg bain per las sfidas ch'al spetgan en il UFCOM. Tar las incumbensas dal nov directur tutgi da realisar e da sviluppar vinavant la politica da medias e da telecomunicaziun svizra sco er da rinforzar l'execuziun da las leschas existentas.

Il Rumantsch Bernard Maissen entra en uffizi il 1. da fanadur 2020. Fin lura vegn il UFCOM manà provisoricamain dal directur suppleant Philippe Horisberger. Bernard Maissen daventa il successur da Philipp Metzger che ha midà il favrer da quest onn tar la Cumissiun electrotecnica internaziunala (IEC) sco secretari general e CEO.

**Per ulteriuras dumondas:**

Servetsch d'infurmaziun dal DATEC  
058 462 55 11

**Departament responsabel:**

DATEC